

Antzerti eskolan lan egin izan zuen Jose Maria Etxebeste hil da

J. L. Z. / DONOSTIA

Antzerti antzerki eskolako zuzendari administratibo izandako Jose Maria Etxebeste atzo hil zen, gaixotasun luze baten ondoren. Jaurilaritzako Kultura Sailean lan egin zuen eta Jaurilaritzak Antzerti sortu zuenean zuzendari administratibo kargua hartu zuen bere gain.

Hori baino lehen, Euzko Iztundegiyan aritu zen aktore gisa Jose Maria Etxebeste, Maria Dolores Agirrerren zuzendaritzapean. Antzerkiaren munduaz gain, abesbatzen mundua ere gertutik ezagutu zuen, eta Donosti Ereserki abesbatzako kide izan zen.

V. Ilusionismo Jardunaldiek ehun mago bildu dituzte Gasteizen

GASTEIZ

Ehun mago inguru bildu dira asteburu honetan Gasteizen hiri horretako V. Ilusionismo Jardunaldietan parte hartzeko. Gasteizko Udalak eta Arabako Ilusionismoaren Lagunen Elkarteak antolatu dituzte jardunaldiak.

Egunotan magia komikoa, ekialdekoa, ilusio handiak eta manipulaziozko magia dira, besteak beste, gasteiztarrek ikusi ahal izango dituzten ikuskizunak. Gaetan Bloom frantziarra, Salguery portugaldarra, Jonny Lonnie suediarra, Ya Lipu, Luis de Matos, Migue eta Mikel Santos dira Gasteizera hurbildu diren mago eta ilusionisten artean aipagarrienetakoak.

Iruñeko Hiria IV. Margolaritza Biurtekoan hamar obra irabazle

Udaletxeak epaimahaiak hautatu dituen hamar lanak erosiko ditu

Iruñeko Hiria IV. Margolaritza
Biurtekoaren epaimahaiak atzo eman zituen ezagutzera bere erabakiak. Erabakiaren plazaratzea herenegun egin behar bazuten ere, biurtekoak aurtun izan duen arrakastak, hau da, parte hartu duten 542 obrek hautatze lana luzatu egin dute. Azkenik, epaimahaiak hamar obra aukeratu ditu Udalak eros ditzan.

JUAN KRUIZ LAKASTA / IRUÑEA

Iruñeko Udaleko Hiritar Eragintza alorrek sariketa modu ezberdina aukeratu du aurtengo biurtekoan. Epaimahaiak irabazleak hautatu ordez, obrak hautatu ditu Udalak eros ditzan. Udalak orotara bost milioi pezeta jarri ditu epaimahaiaren esku, eta epaimahaiak, obren egileek finkatutako prezioen arabera, hamar obra hautatu dituzte, Udalak bost milioi horiekin eros ditzan. Hamar obra horiek ezezik, epaimahaiak beste 57 hautatu ditu apirilean Gotorlekuko Arma Aretoan ikusgai egon daitezen.

Hauek dira Udalak erosiko dituen hamar obrak: Izenbururik ez: Santanderreko Ricardo Cavadarena, 200 x 160 zentimetro-



Biurtekoaren arrakasta nabarmendu nahi izan da.

JOXE LACALLE

koa eta 450.000 pezetan salgai. 'Mar signat': Bartzelonako Perejaume Borrell, 157 x 163 zentimetrokoa eta 550.000 pezetan salgai.

'Puente': Bartzelonako Ramon Roigena, 195 x 160 zentimetrokoa eta 500.000 pezetan salgai.

'Turbo 1': Bartzelonako Charo Pradasena, 195 x 195 zentimetrokoa eta 550.000 pezetan salgai.

'Memoria prehistórica': Madrileko Anton Patiñorena, 200 x 200 zentimetrokoa eta 640.000 pezetan salgai.

'La Dama del lago': Madrileko Angeles San Joserena,

240 x 330 zentimetrokoa eta 600.000 pezetan salgai.

'Tramas': Iruñeko Javier Baldarena, 200 x 182 zentimetrokoa eta 480.000 pezetan salgai.

'Dibujos de...': Bartzelonako Joan Romena, 325.000 pezetan salgai.

'Paisaje XXX': Madrileko Antonio Muradoren, 180 x 200 eta 650.000 pezetan salgai.

Maribel Beriain Hirititar Eragintza alorreko zinegotzi arduradunak biurtekoan parte hartu duen artista kopurua azpimarratu zuen atzoko prentsurrekoan. «Udala eta alkatearen izenean erantzunak gudan piztu duen poza adierazi nahi dut.

Mal Waldron eta Irakere Gasteizen

GASTEIZ

Mal Waldron piano jolea estabatuarrak eta Kubako Irakere taldeak emanaldi bana eskainiko dute datozen egunetan Gasteizen, Jazzaldiaren Neguko Kontzertuen barruan.

Mal Waldronek otsailaren 18an joko du Araba Kultur Aretoan. New Yorken jaiotako mu-

sikari ospetsu hau Billie Holiday handiaren ohizko piano jolea zen eta hainbat urte egin zituen bere alboan, Holiday hil zen arte. 50ko hamarkadan ekin zion Waldronek kontzertuak emateari eta ordutik hona estilo ugari landu ditu. Alderdi erritmikoari ematen dion garrantzia da bere pianoa jotzeko eraren ezaugarri nagusienetakoak, inprobisatzeko duen erraztasu-

narekin batera.

Irakere taldea ere aspaldi sartu zen jazzaren kondairan. Chucho Valdes piano joleak bultzatu zuen La Habanako talde honen sorrera, 1973. urtean, eta bertato partaide izan dira, besteak beste, Paquito de Rivera eta Arturo Sandoval. Martxoaren 11n joko du Irakerek Arabako hiriburuan, Principal antzokian hain zuzen.

LABURREAN

PETRUCCIANI piano joleak Baionan joko du gaur

Michel Petrucciani, kritikaren arabera azken hamarkadako piano jole onenetarikoa denak kontzertua emango du gaur Baionan, arratsaldeko bostetatik aurrera, bertako Scène Nationale taldearen gonbidapenez. Petruccianik hiru aldiz jarraian eskuratu du Frantzia musikariei ematen zaien sari nagusia ●

XAVIER CATAFAL da Sitgeseko Zinemaldiko zuzendari berria

Xavier Catafal izango da Sitgeseko Zinemaldiko zuzendari berria, herenegun Zinemaldiaren antolatzaileek jakinarazi zuten. Era honetan, Catafalek Joan Lluis Goasek pasa den urteko edizioa amaitzean utzi zuen postua hartuko du. Zuzendari berria Zinemaldiko idazkari orokorra izan da azken urteotan ●

CASade las Americas' sariak eman dituzte

Herenegun ezagutarazi zituzten La Habanan aurtengo 'Casa de las Americas' literatur sarien irabazleen izenak. Lehiaketa hau Latinoamerikan egiten den garrantzitsuenetakoa da. Liliana del Carmen Belone argentinarra, Begoña Huertas espainiarra, Enrique Cirules kubatarra, Guiomar de Grammont eta Raphael Confiant martinikarra izan dira sarituenak ●

IRAGARKI MERKEAK (943) 46 90 22

EUSKARAZ

- Maila eta ordutegi guztiak
- Ikastaro bereziak (EGA, Sakontze, Alfa)
- Matrikula epea: Urtarrilaren 18tik Otsailaren 12ra

Informazioa:
GASTEIZKO IKA Tf.: 288922-44

31 x 10 mm

EGUN BAT 520pta/21l
ASTEBETE 2.600 pta/104l
BI ASTE 4.400 pta/180l
HILABETE 6.800 pta/275l

31 x 33 mm

31x33
MODULO

EGUN BAT 2.100 pta/84l
ASTEBETE 10.200 pta/416l
BI ASTE 18.000 pta/720l
HILABETE 25.000 pta/1.010l

31 x 33 mm
LAU MODULO

EGUN BAT 8.400 pta./336 l.
ASTEBETE 40.800 pta./1.664 l.
BI ASTE 72.000 pta./ 2.880 l.
HILABETE 100.000 pta./ 4.040 l.

31 x 15 mm


EGUN BAT 1.040 pta/42l.
ASTEBETE 5.100 pta/208l.
BI ASTE 9.000 pta/360l.

31 x 33ko
BI MODULO

EGUN BAT 4.200 pta/168l
ASTEBETE 20.400 pta/832l
BI ASTE 36.000 pta/1.440l
HILABETE 50.000 pta/2.200l

31 x 33ko
LAU MODULO

EGUN BAT 8.400 pta/336l
ASTEBETE 40.800 pta/1.664l
BI ASTE 72.000 pta/2.880l
HILABETE 100.000 pta/4.040l



LES MECANICIENS
KONTRATUAK:
(943) 63 09 50

35 urtetik gorako
emakume euskal-
dun bat behar da.
Bi nagusi zaintzeko
Zarautzen
Tf.: 94/4472452